


雜阿含經



二百七十五
不二

49503



元祿九年丙子二月日重脩

皇圖聖圖 帝階綴昌

佛日增輝 懋輪常轉

山城州天安寺法金剛院置



雜阿含經卷第四十



不

宋天竺三藏求那跋陀羅譯

如是我聞一時佛住舍衛國祇樹給孤獨園

時波斯匿王來詣佛所稽首佛足退坐一面

白佛言世尊應施何等入佛言大王隨心所

樂處波斯匿王復白佛言應施何處得大果

報佛言大王此是異問所問應施何處此問
則異復問施何處應得大果此問復異我今
問汝隨意答我大王譬如如此國臨陣戰鬪集
諸戰士而有一婆羅門子從東方來年少幼
推柔弱端正膚白髮黑不習武藝不學術策
恐怖退弱不能自安不忍敵觀若刺若射無
不有方便不能傷彼云何大王如此士夫王當
雜阿含經卷四十二賞不王白佛言不賞世尊如是大王有利利
童子從南方來鞞舍童子從西方來首陀羅
童子從北方來無有技術皆如東方婆羅門
子王當賞不王白佛言不賞世尊佛告大王
此國集軍臨戰鬪時有婆羅門童子從東方

來年少端正膚白髮黑善學武藝知闡術法
勇健無畏苦戰不退安住諦觀運戈能復能
破巨敵云何大王如此戰士加重賞不王白
佛言重賞世尊如是刹刹童子從南方來鞞
舍童子從西方來首陀羅童子從北方來年
少端正善諸術藝勇健堪能苦戰却敵皆如
東方婆羅門子如是戰士王當賞不王白佛
言重賞世尊佛言大王如是沙門婆羅門遠
離五支成就五支建立福田施此田者得大
福利得大果報何等為捨離五支所謂貪欲
蓋瞋恚睡眠掉悔疑蓋已斷已知是名捨離
五支何等為成就五支謂無學戒身成就無

學定身慧身解脫身解脫知見身是名成就
五支大王如是捨離五支成就五支建立福
田施此田者得大果報今時世尊復說偈言
運戈猛戰鬪 堪能勇士夫 為其戰鬪故
隨功重加賞 不賞名族胄 怯劣無勇者
忍辱修賢良 見諦建福田 賢聖律儀備
成就深妙智 不 雜阿含經卷四十二 族胄雖卑微 堪為施福田
衣食錢財寶 床卧等眾具 悉應以敬施
為持淨戒故 人表林野際 穿井給行乞
溪澗施橋梁 迥路造房舍 戒德多聞眾
行路得止息 譬如重雲起 雷電聲振耀
普雨於壤土 百卉悉扶疎 禽獸皆歡喜

田夫並欣樂 如是淨信心 聞慧捨慳垢

錢財豐飲食 常施良福田 高唱增勸受

如雷雨良田 功德注流澤 沾洽施主心

財富名稱流 及涅槃大果

佛說此經已波斯匿王聞佛所說歡喜隨喜

作禮而去

如是我聞一時佛住舍衛國祇樹給孤獨園

時波斯匿王來詣佛所稽首佛足退坐一面

白佛言云何世尊為婆羅門死還生自姓婆

羅門家刹利鞞舍首陀羅家耶佛言大王何

得如是大王當知有四種人何等為四有一

種人從冥入冥有一種人從冥入明有一種

火從明入冥有一種人從明入明大王云何
為一種人從冥入冥謂有人生卑姓家若生
旃陀羅家魚獵家竹作家車師家及餘種種
下賤工巧業家貧窮活命歿體顛賴而復修
行卑賤之業亦復為人下賤作使是名為冥
處斯冥中復行身惡行口惡行行意惡行
不以是因緣身壞命終畜生惡趣墮泥犁中猶
雜阿含經卷四十二如有入從閻入閻從廁入廁以血洗血捨惡
受惡從冥入冥者亦復如是是故名為從冥
入冥云何名為從冥入明謂有世人生卑姓
家乃至為人作諸鄙業是名為冥然其彼人
於此冥中行身善行行口善行行意善行以

是因緣身壞命終生於善趣受天化生譬如
有人登牀跨馬從馬果象從冥入明亦復如
是是名有人從冥入明云何有人從明入冥
謂有世人生富樂家若利利大姓婆羅門大
姓家長者大姓家及餘種種富樂家生多諸
錢財奴婢客使廣集知識受身端正聰明黠
慧是名為明於此明中行身惡行行口惡行
行意惡行以是因緣身壞命終生於惡趣墮
泥犁中譬如有人從高樓下乘於大象下象
乘馬下馬乘輿下輿坐床下床墮地從地落
坑從明入冥者亦復如是云何有人從明入
明謂有世人生富樂家乃至取相端嚴是名

為明於此明中行身善行行口善行行意善
行以是因緣身壞命終生於善趣受天化生
譬如有人從樓觀至樓觀如是乃至從牀至
牀從明入明者亦復如是是名有人從明入
明尔時世尊復說偈言

貧窮困苦者

不信增瞋恨

慳貪惡邪想

癡惑不恭敬

見沙門道士

持戒多聞者

毀咎而不譽

障他施及受

如斯等士夫

從此至他世

當墮泥犁中

從真入於真

若有貧窮人

信心少瞋恨

常生慚愧心

慧施離慳垢

見沙門梵志

持戒多聞者

謙虛而問訊

隨宜善供給

勸人令施與

不
雜阿含經卷四十二

四

歡施及受者 如是修善人 從此至他世

善趣上生天 從冥而入明 有富樂士夫

不信多瞋恨 慳貪嫉惡想 邪惑不恭敬

見沙門梵志 毀咎而不譽 障他人施慧

亦斷受施者 如是惡士夫 從此至他世

當生苦地獄 從明入冥中 若有富士夫

信心不瞋恨 常起慚愧心 慧施離瞋妬

見沙門梵志 持戒多聞者 先奉迎問訊

隨宜給所須 勸人令供養 歎施及受者

如是等士夫 從此至他世 生三十三天

從明而入明

佛說此經已波斯匿王聞佛所說歡喜隨喜

作禮而去

如是我聞一時佛住舍衛國祇樹給孤獨園時波斯匿王日日身蒙塵土來詣佛所稽首

佛足退坐一面佛言大王從何所來波斯匿

王白佛言世尊從彼灌頂王法人中自在精

勤方便王領大地統理王事周行觀察而來

不雜阿含經卷四十二

至此佛告大王今問大王隨意答我譬如

人從東方來有信有緣未曾虛妄而白王言

我東方來見一石山極方廣大不穿不壞亦

無缺壞磨地而來一切衆生草木之類悉磨

令碎南西北方有人來有信有緣亦不虛妄

而白王言我見石山石廣高大不斷不壞亦

不缺壞磨地而來衆生草木悉皆磨碎大王
於意云何如是像貌大恐怖事嶮惡相殺衆
生運盡人道難得當作何計王白佛言若如
是者更無餘計唯當修善於佛法律專心方
便佛告大王何故說言嶮惡恐怖於世卒起
衆生運盡人身難得唯當作法行義行福於
佛法教專精方便何以不言灌頂王位為衆
人首堪能自在王於大地事務衆人當須營
理耶王白佛言世尊為復閑時言灌頂王位
為衆人首王於大地多所經營以言闡言以
財闡財以象闡象以車闡車以步闡步當於
尔時無有自在若勝若伏是故我說嶮惡恐

怖卒起之時衆生運盡人身難得無有餘計
唯有行義行法行福於佛法教專心歸依
佛告大王如是如是經常磨迮謂惡劫老病
死磨迮衆生當作何計正當修義修法修福
修善修慈於佛法中精勤方便尔時世尊而

說偈言

雜阿含經卷四十二

如有大石山

高廣無缺壞

周遍四方來

磨迮此大地

非兵馬咒術

力所能防禦

惡劫老病死

常磨迮衆生

四種大族姓

旃陀羅獵師

在家及出家

持戒犯戒者

一切皆磨迮

無能救護者

是故慧士夫

觀察自己利

建立清淨信

信佛法僧寶

身口心清淨 隨順於正法 現世各稱流
終則生天上

佛說此經已波斯匿王聞佛所說歡喜隨喜
作禮而去

如是我聞一時佛住舍衛國祇樹給孤獨園
時波斯匿王來詣佛所稽首佛足退坐一面
時有尼乾子七人闍祇羅七人一舍羅七人
身皆廉大彷彿行住祇洹門外時波斯匿王
遙見斯等彷彿門外即從座起往至其前合
掌問訊王自稱名言我是波斯匿王拘薩羅
王今時世尊告波斯匿王汝今何故恭敬斯
等三稱姓名合掌問訊王白佛言我作是念

世間若有阿羅漢者斯等則是佛告波斯匿
王汝今且止汝亦不知是阿羅漢非阿羅漢
不得他心智故且當親近觀其戒行久而可
知勿速自決審諦觀察勿但絡慕當用智慧
不以不智經諸苦難堪能自辨交契計校真
偽則分見說知明久而則知非可卒識須自
思惟智慧觀察王白佛言奇哉世尊善說斯
理言久相習觀其戒行乃至見說知明我有
家人亦復出家作斯等形相周流他國而復
來還捨其被服還受五欲是故當知世尊善
說應與同止觀其戒行乃至言說知有智慧
尔時世尊而說偈言

雜阿含經卷四十二

七

不以見歎相 知人之善惡 不應暫相見
而與同心志 有現身口密 俗心不斂攝
猶如鍤石銅 塗以真金色 內懷鄙親心
外現聖威儀 遊行諸國土 欺誑於世人
佛說此語已 波斯匿王聞佛所說歡喜隨喜
作禮而去。

如是我聞一時住^佛舍衛國祇樹給孤獨園
時波斯匿王為首并七國王及諸大臣悉共
集會作如是論議五欲之中何者第一有一
人言色最第一又復有稱聲香味觸為第一
者中有人言我等人人各說第一意無定刺
當詣世尊問知此義如世尊說當共憶持尔

時波斯匿王為首與七國王大臣眷屬來詣
佛所稽首佛足退坐一面白佛言世尊我等
七王與諸大臣如是論議五欲功德何者為
勝其中有言色勝有言聲勝有言香勝有言
味勝有言觸勝竟無決定來問世尊竟何者
勝佛告諸王各隨意適我悉有餘說以是因
緣不我說五欲功德然自有入於色適意止愛八
一色滿其志願正使過上有諸勝色非其所
愛不觸不視言色所愛最為第一無過其上
如愛色者聲香味觸亦皆如是當其所愛輒
言最勝歡喜樂著雖更有勝過其上者非其
所欲不觸不視唯我愛者最勝最妙無比無

雜阿含經卷四十二

上尔時座中有一優婆塞名曰旃檀從座起
整衣服偏袒右肩合掌白佛善說世尊善說
善逝佛告優婆塞善說旃檀快說旃檀時旃
檀優婆塞即說偈言

央伽族姓王

服珠瓔珞鎧

摩竭衆慶集

如來出其國

名聞普流布

猶如雪山王

如淨水蓮華

清淨無瑕穢

隨日光開敷

芬香熏其國

央耆國明顯

猶如空中日

觀如來慧力

如夜然炬火

為眼為大明

來者為決疑

時諸國王歎言善說旃檀優婆塞尔時七王
脫七寶上衣奉優婆塞時彼七王聞佛所說

歡喜隨喜從座起去

爾時旃檀優婆塞知諸王去已從座起整衣
服偏袒右肩合掌白佛今七國王遣我七領
上衣唯願世尊受此七衣以哀愍故爾時世
尊為哀愍故受其七衣旃檀優婆塞歡喜隨
喜作禮而去

不
雜阿含經卷四十二

如是我聞一時佛住舍衛國祇樹給孤獨園
時波斯匿王其體肥大舉體流汗來詣佛所
稽首佛足退坐一面氣息長喘爾時世尊告
波斯匿王大王身體極肥大盛大王白佛言如
是世尊患身肥大常以此身極肥大故慚恥
厭苦爾時世尊即說偈言

人當自繫念 每食知節量 是則諸受薄
安消而保壽

時有一年少名鬱多羅於會中生時波斯匿
王告鬱多羅汝能從世尊受向所說偈每至
食時為我誦不若能尔者賜金錢十萬亦常
與食鬱多羅白王奉教當誦時波斯匿王聞
佛所說歡喜隨喜作禮而去時鬱多羅知王
去已至世尊前受所說偈於不食時食食為
誦白言大王如佛世尊如來應等正覺所知
所見而說斯偈
人當自繫念 每食知節量 是則諸受薄
安消而保壽

如是波斯匿王漸至後時身體臃細容貌端正處樓閣上向佛住處合掌恭敬右膝著地三說是言南無敬禮世尊如來應等正覺南無敬禮世尊如來應等正覺與我現法利益後世利益現法後世利益以其飯食知節量故

不

雜阿含經卷四十二

十

如是我聞一時佛住舍衛國時有年少阿修羅來詣佛所於佛面前麁惡不善語瞋罵呵責尔時世尊即說偈言

不怒勝瞋恚 不善以善伏 慧施伏慳貪

真言壞妄語 不罵亦不虐 常住賢聖心

惡人住瞋恨 不動如石山 起瞋恚能持

勝制狂車馬 我說善御士 非彼攝繩者
時年少阿脩羅白佛言瞿曇我今悔過如愚
如癡不辨不善於瞿曇面前訶罵毀辱如是
懺悔已時阿脩羅聞佛所說歡喜隨喜作禮
而去
如是我聞一時佛住舍衛國祇樹給孤獨園
時有年少賓耆迦婆羅門求詣佛所於世尊
面前作麁惡不善語瞋罵訶責尔時世尊告
年少賓耆迦若於一時吉星之日汝當會諸
宗親眷屬耶賓耆白佛如是瞿曇佛告賓耆
若汝宗親不受食者當如之何賓耆白佛不
受食者食還屬我佛告賓耆汝亦如是如來

時世尊即說偈言

無瞋何有瞋

正命以調伏

正智心解脫

慧者無有瞋

以瞋報瞋者

是則為惡人

不以瞋報瞋

臨敵伏難伏

不瞋勝於瞋

三偈如前說

尔時年少賓者白佛言悔過瞿曇如愚如癡

不辨不善而於沙門瞿曇面前麁惡不善語

瞋罵呵責聞佛所說觀喜隨喜作禮而去

如是我聞一時佛住舍衛國東園塵子母講

堂尔時世尊晡時從禪覺詣講堂東蔭蔭中

露地經行時有健罵婆羅豆婆遮婆羅門來

詣佛所世尊面前作麁惡不善語罵詈呵責

世尊經行彼隨世尊後行世尊經行已竟住
於一處波婆羅門言瞿曇伏耶尔時世尊而
說偈言

勝者更增怨 伏者卧不安 勝伏二俱捨

是得安隱眠

婆羅門白言瞿曇我今悔過如愚如癡不辨

不

雜阿含經卷四十二

十二

不善何於瞿曇面前作屍惡不善語罵詈呵

責時婆羅門聞佛所說歡喜隨喜獲道而去

如是我聞一時佛住舍衛國東園鹿子母講

堂世尊晨朝著衣持鉢入舍衛城乞食時健

罵婆羅豆婆遮婆羅門遙見世尊作屍惡不

善語瞋罵呵責把土坩佛時有逆風還吹其

土反自全身。爾時世尊即說偈言。
若人無瞋恨。罵辱以加者。清淨無結垢。
彼惡還歸己。猶如土空波。逆風還自汗。
時彼婆羅門白佛言。悔過瞿曇。如愚如癡。不
善不辯。何於瞿曇面前。麁惡不善語。瞋罵呵
責。時婆羅門聞佛所說歡喜。隨喜復道而去。
如是我聞。一時佛在拘薩羅國人間遊行。至舍
衛國。祇樹給孤獨園。時有婆羅門名曰違義。
聞沙門瞿曇從拘薩羅國人間遊行。至舍衛
國。祇樹給孤獨園。聞已。作是念。我當往詣沙
門瞿曇。所聞所說法。當反其義。作是念已。往
詣精舍。至世尊所。爾時世尊無量眷屬圍遶。

說法世尊遙見違義婆羅門來即默然住違
義婆羅門白佛言瞿曇說法樂欲聞之今時
世尊即說偈言

違義婆羅門 未能解深義 內懷嫉恚心
欲為法留難 調伏違反心 諸不信樂意

息諸障礙垢

則解深妙說

時違義

雜阿含經卷四十二

婆羅門作是念沙門瞿曇已知我心

十三

聞佛所說歡喜隨喜從座起而去

如是我聞一時佛住舍衛國祇樹給孤獨園
世尊晨朝著衣持鉢入舍衛城乞食時有不
虛婆羅門來詣佛所白佛言世尊我名不虛
為稱實不佛告婆羅門如是稱實者若身不

虛若口不虛若心不虛則為稱寶尔時世尊
即說偈言

若心不殺害 口意亦俱然 是則為離害

不恐怖衆生

佛說此經已不虛婆羅門聞佛所說歡喜隨
喜復道而去

如是我聞一時佛住王舍城迦蘭陀竹園世
尊晨朝著衣持鉢入王舍城乞食次第行乞
至火與婆羅門舍火與婆羅門遙見佛來即
具衆美飯食滿鉢與之如是二日三日乞食
復至其舍火與婆羅門遙見佛來作是念禿
頭沙門何故數來貪美美食耶尔時世尊知火

與婆羅門心念已即說偈言

上天日日雨 田夫日夜耕

數數植種子

是田數收穀 如人數懷妊

乳牛數懷犢

數數有求者 則能數慧施

數數慧施故

常得大名稱 數數棄死屍

數數哭悲戀

數數生數死 數數憂悲苦

數數以火燒

數數諸蟲食 雜阿含經卷四十二 若得賢聖道

不數受諸有 十四

亦不數生死 不數憂悲苦

不數數火燒

不數諸蟲食

時火與婆羅門聞佛說偈還得信心復以種

種飲食滿鉢與之世尊不受以因說偈而施

故復說偈言

因為說偈法 不應受飲食 當觀察自法
說法不受食 婆羅門當知 斯則淨命活
應以餘供養 純淨大仙人 已盡諸有漏
穢法悉已斷 供養以飲食 於其良福田
欲求福德者 則我田為良
火與婆羅門白佛今以此食應著何所佛告
婆羅門我不見諸天魔梵沙門婆羅門天神
世人有能食此信施令身安樂汝持是食去
棄於魚蟲水中及少生草地時婆羅門即以
此食持著魚蟲水中水即煙出沸聲啾啾譬
如鐵丸燒令火色擲著水中水即煙起沸聲
啾啾亦復如是婆羅門持此飲食著水中水

即煙出沸聲啾啾於時火與婆羅門歎言甚
奇瞿曇大德大力能令此食而作神變時火
與婆羅門因此飯食神變得信敬心稽首佛
足退住一面白佛言世尊我今可得於正法
中出家受具足修梵行不佛告婆羅門汝今
可得於正法中出家受具足彼即出家已作
不是思惟所以族姓子雜阿含經卷四十二剔除鬚髮著袈裟衣正十五
信非家出家學道乃至得阿羅漢心善解脫
如是我聞一時佛住舍衛國祇樹給孤獨園
時舍衛國中婆肆吒婆羅門女信佛法僧歸
佛歸法歸比丘僧於佛法僧已離狐疑於苦
集盡道亦離疑惑見諦得果得無聞慧其夫

是婆羅豆婆遮種姓婆羅門每至左右所為
作時有小得失即稱南無佛向如來所住方
面隨方合掌三說是言南無多陀阿伽度阿
羅訶三藐三佛陀身純金色圓光一尋方身
圓滿如尼拘律樹善說妙法牟尼之尊仙人
上首是我大師時夫婆羅門聞不願恚不喜
語其婦言為鬼著耶無有此義捨諸三明大
德婆羅門而稱歎彼禿頭沙門黑闇之分世
所不稱我今當往共汝大師論議足知勝如
婦語夫言不見諸天魔梵沙門婆羅門諸神
世人能共世尊如來應等正覺金色之身圓
光一尋如尼拘律樹圓滿之身言說微妙仙

人上首我之大師共論議者然今婆羅門且
往自可知之時婆羅門即往詣佛所面相問
訊慰勞已退坐一面而說偈言

為殺於何等而得安隱眠為殺於何等

令心得無憂為殺於何等瞿曇所稱歎

尔時世尊知婆羅門心之所念而說偈言

殺於瞋恨者而得安隱眠殺於瞋恚者十六

而心得無憂瞋恚為毒本能害耳種子

能害於彼者賢聖所稱歎若能害彼者

其心得無憂

時婆羅豆婆遮婆羅門聞佛所說示教照喜

次第說法謂說說戒說生天法說欲味著

雜阿含經卷四十二

為灾患煩惱清淨出要遠離隨順福利清淨
分別廣說譬如清淨白氎易為染色如是婆
羅豆婆遮婆羅門即於座上於四聖諦得無
礙等所謂苦集滅道是婆羅門見法得法知
法入法度諸疑惑不由他度於正法律得無
所畏即從座起偏露右肩合掌白佛已度世
尊已度善逝我今歸佛歸法歸比丘僧已盡
其壽命為優婆塞證知我時婆羅豆婆遮婆
羅門聞佛所說觀喜隨喜作禮而去還歸自
家其婦優婆夷遙見夫來見已白言已與如
來應等正覺純金色身圓光一尋如尼拘律
樹圓滿之身妙說之上仙人之首大年尼尊

為我大師共論義耶其夫答言我未嘗見諸
天魔梵沙門婆羅門諸神世人不能與如來
應等正覺真金色身圓光一尋如尼拘律樹
圓滿之身妙說之上諸仙之首牟尼之尊汝
之大師共論義也汝今與我作好法衣我持
至世尊所不出家學道時婦悉以鮮潔白氎令
雜阿含經卷四十二作法衣時婆羅門持衣往詣世尊所稽首禮
足退住一面白言世尊我今可得於世尊法
中出家學道修梵行不佛告婆羅門汝今可
得於此法律出家學道修諸梵行即出家已
獨靜思惟所以善男子剝除鬚髮著袈裟衣
出家學道乃至得阿羅漢心善解脫

如是我聞一時佛住舍衛國祇樹給孤獨園
時有魔瞿婆羅門來詣佛所與世尊面相問
訊慰勞已退坐一面白佛言瞿曇我於家中
常行布施若一人來施於一人若二人三人
乃至百千悉皆施與我如是施得多福不佛
告婆羅門汝如是施實得大福所以者何以
於家中常行布施一人來乞即施一人二人
三人乃至百千悉皆施與故即得大福時魔
瞿婆羅門即說偈言

在家所為作 布施復大會 因此慧施故
欲求大功德 今問於牟尼 我之所應知
同梵天所見 為我分別說 云何為解脫

勝妙之善趣 云何修方便 得生於梵世

云何隨樂施 生明勝梵天

尔時世尊說偈答言

施者設大會 隨彼受樂施 歡喜淨信心

攀緣善功德 以其所建立 求離諸過惡

遠離於貪欲 其心善解脫 修習於慈心

不 雜阿含經卷四十二

其功德無量 況復加至誠 廣施設大會

若於其中間 所得諸善心 正向善解脫

或餘純善趣 如是勝因緣 得生於梵世

如是之慧施 其心平等故 得生於梵世

其壽命延長

時魔瞿婆羅門聞佛所說歡喜隨喜從座起

而去

如是我聞一時佛住舍衛國祇樹給孤獨園
時有持華蓋著舍勒導從婆羅門來詣佛所
與世尊面相問訊慰勞已退坐一面而說偈
言

無非婆羅門

所行為清淨

利利修苦行

於淨亦復幸

三典婆羅門

是則為清淨

如是清淨者

不在餘象生

爾時世尊說偈答言

不知清淨道

及諸無上淨

於餘求淨者

至竟無淨時

婆羅門白佛瞿曇說清淨道及無上清淨耶

何等為清淨道何等為無上清淨佛告婆羅
門正見者為清淨道正見修習多修習斷貪
欲斷瞋恚斷愚癡若婆羅門貪欲永斷瞋恚
愚癡永斷一切煩惱永斷是名無上清淨正
志正語正業正命正方便正念正定是名清
淨道正定修習多修習已斷貪欲斷瞋恚斷
愚癡若婆羅門貪欲永斷瞋恚愚癡永斷一
切煩惱永斷是名無上清淨婆羅門白佛言
瞿曇說清淨道無上清淨耶瞿曇世務多事
今且辭還佛告婆羅門宜知是時持華蓋著
舍勒導從婆羅門聞佛所說歡喜隨喜從座
起去

不

雜阿含經卷四十二

十九

如是我聞一時佛住舍衛國祇樹給孤獨園
爾時有異婆羅門來詣佛所與世尊面相問
訊慰勞已退坐一面而說偈言

云何為尸羅

云何三威儀

云何為功德

云何名為業

成就何等法

雍漢婆羅門

爾時世尊說偈答言

宿命憶念智

見生天惡趣

得諸受生盡

牟尼明決定

知心善解脫

解脫一切貪

具足於三明 三明婆羅門

佛說此經已異婆羅門聞佛所說歡喜隨喜
從座起而去

如是我聞一時佛住舍衛國祇樹給孤獨園

尔時世尊晨朝著衣持鉢入舍衛城乞食尊者阿難從世尊後時有二老對女是其夫婦年者根熟偃背如鈎詣里巷頭燒糞掃處俱蹲向火世尊見彼二老夫婦年耆愚老偃背如鈎俱蹲向火猶如老鵠欲心相視見已告尊者阿難汝見彼夫婦二人年耆愚老背偃如鈎俱蹲向火猶如老鵠欲心相視見已告不白佛如是世尊佛告阿難此二老夫婦於年少時盛壯之身勤求財物者亦可得為舍衛城中第一富長者若復剝除鬚髮著袈裟衣正信非家出學道精勤修習者亦可得阿家羅漢第一上果於第二分盛壯之身勤求財

雜阿含經卷四十二

二十

物亦可得為舍衛城中第二富者若復剃除鬚髮著袈裟衣正信非家出家學道者亦可得阿那含果證若於第三分中年之身勤求財物亦可得為舍衛城中第三富者若剃鬚髮著袈裟衣正信非家出家學道者亦可得斯陀含果證若於第四分老年之身勤求財物亦可得為舍衛城中第四富者若剃鬚髮著袈裟衣正信非家出家學道者亦可得為須陀洹果證彼於今日年耆根熟無有錢財無有方便無所堪能不復堪能苦覓錢財亦不能得勝過人法

尔時世尊復說偈言

不行梵行故 不得年少財 思惟古昔事

眠地如曲弓 不修於梵行 不得年少財

猶如老鵠鳥 守死於空池

佛說此經已尊者阿難陀聞佛所說歡喜奉行

如是我聞一時佛住舍衛國祇樹給孤獨園

如上說差別者唯說異偈言

老死之所壞 身及所受滅 唯有慧施福

為隨已資糧 依於善攝護 及修禪功德

隨力而行施 錢財及飲食 於群則眠覺

非為空自治

雜阿含經卷第四十二

匿尼力 雜直利 術上音迷 策下 敵徒的 迥号

雜阿含經卷第四十二

十一

價	又	秃	反	唯	迮	遂	下	反
反	竹	反	他	醉	責	反	才	壤
氍	毳	谷	肥	頃	鄙	及	汝	兩
音	數	反	房	反	傾	及	卑	卉
偃	數	非	喘	鋤	跨	及	美	許
背	音	反	尺	石	及	傾	鬼	洽
全	植	軟	膈	偷	上	化	候	夾
反	及	力	反	音	黠	反	閑	獵
蹲	妊	而	反	苦	八	興	反	良
下	反	禁	虐	反	亥	二	余	輒
音	音	嗽	反	魚	瑕	音	預	顛
臆	存	及	却	穢	上	謙	及	顛
鵠	及	子	坐	霞	音	謙	及	上
反	胡	由	反	蒲	音	及	兼	自
	篤	吃	反	濁	遺			
		家	竹					

